

Visoki predstavnik čestitao Međunarodni dan žena i kritikovao stanje u pogledu ravnopravnosti polova



Visoki predstavnik Valentin Inzko čestita svim ženama u Bosni i Hercegovini 8. mart, Međunarodni dan žena. Visoki predstavnik koristi ovu priliku da istakne hitnu potrebu za većim uključivanjem žena u svakodnevne političke i socijalno-ekonomske tokove ove zemlje, posebno u javnom sektoru.

“Zakon o ravnopravnosti polova BiH – koji nije nametnut, već je u potpunosti domaći poduhvat – za žene utvrđuje minimalnu zastupljenost od 40% u brojnim organima vlasti, uključujući i zakonodavne i izvršne organe. Sve što je ispod tog nivoa sudjelovanja u vlasti može se smatrati nejednakošću i nepoštivanjem vladavine prava. Oni organi vlasti koji ne provode zakon – krše ga”, rekao je visoki predstavnik.

Ohrabrujući političke aktere da poduzmu konkretne korake u cilju poboljšanja ravnopravnosti polova na svim nivoima vlasti, visoki predstavnik je naglasio “da je odavanje dužnog poštovanja ženama u bh. društvu mnogo više od poklanjanja crvene ruže povodom Međunarodnog dana žena. Žene ove zemlje su izuzetno talentirane i vrijedne – a njihovi kapaciteti su vrlo slabo iskorišteni, što ide na štetu svih. Žene zaslužuju da u potpunosti budu uključene i da sudjeluju u vlasti, a siguran sam da bi ova zemlja od njihovog angažmana imala višestruke

koristi.”

Visoki predstavnik je također još jednom pozvao da se pojačaju naponi kako bi se spriječilo nasilje nad ženama i poboljšao pristup žena kvalitetnoj zdravstvenoj zaštiti.